

Lescha da finanzas provotgescha discussiuns

■ (anr/rgd) L'onn 2013 ha il chantun Grischun introducì il model da quint armonisà HRM2. Il quint 2014 ha mussà ch'ins pudess reveder parzialmain quest model da quint. Da Bumaun 2013 ha introducì il chantun Grischun il model da quint HRM2. «Las emprimas experienzas e surtut il quint 2014 han mussà che singuls elements hajan per consequenza ch'i dettia differenzas tranter quint e budget», ha declerà il president da la cumissiun predeliberan-

ta *Maurizio Michael* (pld, Bergiaglia). Quai pertutga surtut ils quints da taglia: «Il Grischun è l'unic chantun che calculuscha cun las entradas da taglia gia in onn avant la facturaziun. Uschia na san ins betg exactamain quantas entradas da taglia ch'il chantun ha propi.» La maioritad da la cumissiun predeliberanta era da l'avis ch'i saja perquai da reveder parzialmain la lescha introducida avant dus onns. La minoritad da la cumissiun dentant era da l'opiniun ch'i

nun existia nagin basegn d'agir gia suenter dus onns. Cussegliera guvernativa *Barbara Janom Steiner* ha punctuà ch'il model HRM2 s'haja verifitgà, ch'i saja dentant necessari da reveder parzialmain la lescha per curreger las inexac-tezzas menziunadas da la cumissiun predeliberanta. Cun 63 cunter 39 vuschs e naginas abstenziuns da la vusch ha il parlament grischun ditg gea a la revisiun parziala da la lescha da finanzas grischuna.



La ministra da finanzas Barbara Janom Steiner ha argumentà per ina revisiun parziala da la lescha da finanzas chantunala.